

Ukusokolola– Icipandwa ca 111

Abena Galatia 1:11-20, "... Pantu ine nshaipokelele ku muntu iyo, kabili nshasambilishiwe iyo, lelo naimwenene mu kusokolola kwa kwa Yesu Kristu..." (Verse 12)

Mwamona, ilyo umwaume atemwa umuntu ena **limo mucine aisa mukulanshanya na Lesa, na cilye ca cine, icitetekelo icasokololwa ukutla Lesa aba (Abahebere 11:6), takuli nangu cimo, takuli inshita, nangu kumo, icingatala patula ulya umuntu kuli Lesa wakwe.** Ndecetekela cali ni Paulo uwasosele, "Takuli ukupakaswa, napamo icipowe, napamo ubucushi, napamo ifibumbwa ifya mweo, nangu ni mfw, nangu icintu icili conse ico **icingatupatululako ku kutemwa kwa Lesa ukwa muli Kristu Yesu**" (*Abena Roma 8:35-39*). Imwe muli abaikashiwa bwino muli Wene pantu mwalisontelwe kuli ulya Mweo.

Lelo Satana atontonkenye kuti afulunganya wene panono fye, noku mukaka, no kumulenga wene ukucicita. Lelo, mulemona, Yobo no busokololo bwakwe ubwapwililika ubwa kwa Lesa, kabili ne fyo Lesa Ali, kabili ifyo Lesa amutemenwe, **ena alilolele. Te mulandu ifyo amafya yali, ena alilolele icitekekelo cakwe ukushininkishiwa, pantu ena alikatishe pali Lesa, ubusokololo (Yobo 19:25-27).**

Nomba, ilyo abantu abalwele, abantu abalemana, nangu imwe mwebakwete ukukabila Lesa, ilyo **mwingakwata ulya musango wa busokololo ukutla mwali lungamikwa (Abena Roma 8:30; 1 Abena Korinti 6:11), ilyo imwe mucine mwa lungamikwa mukwipusha icintu ico mwalombelapo, no kucetekela ukutla Ena ni kalambula wa abo aba mufwaya ne mitima yabo yonse, takuli nangu cimo icingatala ukumupatula imwe kuli cilye citetekelo ico icaikashiwa**

kuli imwe. Mwamona? **Lelo intanshi cilingile ukusokololwa kuli imwe.** [1]

Ilyo Lesa asosa ifyo, cilya fye ceka ecibako kuli cena. cilya eco. **Nga Lesa alipela ubulayo, ikasheni umweo wenu kuli bwena.** Nga kuti mwacetekela cena, ikasheni uwenu...Nga tamulecetekela cena, talukeniko kuli cena; cili no kumucena. Lelo nga mwalicetekela cena, ikaleni na cena, cili no kumutwala mu kucimfya (*1 Yohane 5:4*), nga mucine fye nge sonde. [2]

Nomba, **“icitetekelo” caba “ubusokololo ukufuma kuli Lesa.”** Nomba, **“icitetekelo” caba “ubusokololo.”** Caba ubusokololo. Ena nasokolwela kuli imwe ku kusenamina Kwakwe. Te cintu cimo mwacitile. Imwe tamwabombele mwebene mu citetekelo. Imwe tamwatalile kwata icitetekelo, capelwa kuli imwe ku kusenamina kwakwa Lesa (*1 Petro 1:1-13*). Kabili **Lesa alasokolwela cena kuli imwe, e ico kanshi icitetekelo busokololo.** Kabili ulukuta lonse ulwakwa Lesa lwa kulwa pa busokololo.

Kabili icitetekelo ciisa ukupitila mukumfwa, **ubusokololo bwishila ukupitila mukumfwa** (*Abena Roma 10:17*). Cena busokololo ubwa umo umo, ico caba icitetekelo; **icitetekelo ico icasokololwa. s**

Kapyunga wa Baptist alinjebele, te kale sana, atile: “Ine teti nsumine fye ubusokololo.” “Natile, lyena teti usumine Baibele. Iwe teti usumine Kristu, **pantu Ena e busokololo ubwakwa Lesa. Ena ni Lesa ukusololwa mu mubili**” (*1Timoti 3:16*). E ico kanshi, **Ulukuta lonse lwakulilwa pa busokololo ubwa Bulesa** (*Mateo 16:13-20*).

Abele, ku citetekelo, ubusokololo, (takwali Baibele iyalembelwe muli shilye nshiku)... Abele, ku citetekelo, apele kuli Lesa ilambo ilyawamisha ukucila ilya iyo Kaina (*Abahebere 11:4*). Ico Lesa apele ubunte, “Ali umulungami.” Musangonshi? Ku citetekelo. Musangonshi? **Ku busokololo!** Ku busokololo, Abele apele kuli Lesa ilambo ilyawamisha, **pa mulandu cali sokolwelwe kuli wene ukutila tacali ifisabo fya mwibala, cali mulopa** (*Ukutendeka 4:3-4*).

Ulya e mulandu wine abantu bamo kuti bacetekela cena, kabili bambi teti bacetekele Cena, bamo besha ukucetekela Cena.

Mwi bumba Iya bantu, uko umulongo waba kupepelwa balepita, imwe muli no kusanga bamo...kabili bonse bali abantu abasuma, ifwe twalasosa. Kuliko bamo abeleesha na maka ukucetekela Cena, ukwesha ukubomba abene muli Cena. Bamo teti bacicite fye nakalya. Kabili **bambi, caba fye ukusenamina, cipelwa fye kuli bena** (*Mateo 11:25-27*). Nomba, bulya palya ubupusano. Mwamona? Cilya cilacicita. Bulya e busokololo ubwacine, **pa mulandu icitetekelo busokololo ukufuma kuli Lesa**. Cilingile ukusokololwa intanshi.

Yesu palwalala alilangishe ici ilyo Ena asosele, “Takuli umuntu uwingesa kuli Ine **kanofye Tata amukula intanshi, atemwa asokolwela Ine kuli wene intanshi.**” (*Yohane 6:43-44*).

Ndefwaya ukumweba icintu cimbi: **bombeleni pali kulyo kutunta**, pali kalya akashita, nga filya Yoshua acitile, ngefyo Maliya Magadalena, bonse balya. **Pali ilya ine nshita ilyo icintu cimo casokolwelwa kuli imwe, cisendeni. Ikatilileni kuli Cena**, pali kalya akashita.³

Nomba, ine teti nenge imwe ukucetekela; **nangula kuti mwailenga mwebene ukucetekela. Lesa alingile ukupela cena kuli imwe. Caba icabupe cakwa Lesa ukucetekela (Abena Efese 2:8).** Te citetekelo cenu. **Icitetekelo cakwa Lesa (Mark 11:22).** Citetekelo cenu ca buntunse kuti catetekela cili fye bwino, **lelo kano fye icitetekelo cakwa Lesa cili mukati ka mutima wenu... (Abena Galatia 2:19-21).** Mwamona, amano yenu ya buntunse kuti yasumina cena; citeni cilya **kabili twalilileni fye ukucetekela cena no mutima wenu onse mpaka Lesa asokolwela cena kuli imwe. Mwamona? Twalilileni fye ukucetekela cena mpaka Lesa asokolola cena.** [3]

“Twalilileni fye. Tendekeni ukulumbanya Shikulu.” Mwamona, pantu cili mu mano yabo ya buntunse mpaka caisa mu mweo wabo. [4]

Nomba mwitontonkanya ici nge ceni ukutla ubu e bwafya, pantu Paulo atantike ici cilangililo ku kuboko kwa kwa Lesa. **Paulo eka alikwete ubusokololo bonse ku bushiku bwakwe ngefyo cashininkishiwa mu ku kansana kwakwe na batumwa bambi abo abasumine ukutla Paulo ali ni Kasesema-Inkombe ku Benafyalo kuli bulya bushiku.** Kabili nacimbi moneni ku kulondolola kwine mu Cebo, ukutla ilyo Paulo afwaile ukuya ku Asia, Lesa ali mukenye, pantu impaanga (abana Bakwe) bali mu Mekadonia kabili bena (abena Mekadonia) kuti baumfwa ifyo Umupashi wali no kusosa ukupitila muli Paulo, ilyo abantu mu Asia tekuti *(Imilimo ya Batumwa 16:6-12).*

Munshita ili yonse twalikwata filya fine icakumwenako cimo cine. **Ulya e mulandu wine uluubutø lwaishile ukupitila imo nkombe iyapelwa na Lesa mu ncende imo, kabili lyena ukufuma kuli ilye**

nkombe kulya kulasalanganya ulubuuto ukupitila muli bukapyunga wabambi abo abasambilishiwa mu cishinka. Lelo mucine balya abaya kunse tabasambilila lyonse **ifyo caba icikankala ukulanda fye ifyo inkombe yalanda** (11 *Timoti 3:10-17; 1 Abena Korinti 4: 6-7*). (Ibukisheni, Paulo asokele abantu ukusosa fye ifyo ena asosele, 1 *Abena Korinti 14:37*, “*Ngo muntu aitungo kuba kasesema nalimo uwa bumupashi, e luke ifi fintu ndelemba kuli imwe ukuti lifunde lyakwa Shikulu. Cinshi? ni kuli imwe Icebo cakwa Lesa cafumine? atemwa ni kuli imwe cafikilile?*” Bena balalundako apa, atemwa ukufumyako kulya, kabili tapakokola imbila taiba iyapwililika, **kabili ukupuputulwa kulafwa. Ifyo abacenjela tulingile ukuba ukumfwa ishiwi limo, pantu Umupashi wakwata ishiwi limo ilyo lyaba ishiwi lyakwa Lesa** (*Yohane 10:27-30*). Paulo alibasokele ukusosa ifyo ena asosele, nangula ngefyo Petro acitile filya fine. Ena alibasokele **ukutula nangula ni ena (Paulo) teti apilibule icebo cimo pali filya apele ku busokololo** (*Abena Galatia 1:6-12*). Owe, ifyo caba icikankala **ukumfwa ishiwi lyakwa Lesa ukupitila mu nkombe Shakwe**, kabili lyena no kusosa ifyo fyapelwe kuli bena ukusosa ku nkuta. [5]

Iciputulwa icikalamba nganshi ca citetekelo cesu caba icitetekelo ca buntunse. Pa kumfwa Icebo cilatuleta ku mano ayakwishiba Lesa. Lelo nga ici cilefumina ku mulu, owe, munyina, nga cena kuti caikasha ici, kulabako icabulesa, icitetekelo ca bumupashi. Lyena nifinshi cilya citetekelo cicita? **Cilya citetekelo caishiba fye Icebo.** Te mulandu ifyo icashala cisosa, cena caishiba fye Icebo, pa mulandu “Mu kutendeka mwali Cebo, ne Cebo cali pamo na Lesa, kabili Cebo cali Lesa.” (Kabili Icebo ci cili ni Lesa.) Kabili

Icebo calengelwe ubuntunse no kwikala mukati kesu” (Yohane 1:1-3.14). Kabili **ilyo Cebo icine cilepongolokela mu citetekelo cesu, icitetekelo cesu ca buntunse cilesa mukuba ubusokololo bwa bumupashi.**

“Kabili na pali uyu mufula Nkakula Ulukuta Lwandi,” te lyano Iya buntunse Iya kuilunda ku lukuta, Ilyano Ilya buntunse Ilya cilya, lelo pa busokololo. Ilyo tulyo tumilonga twakusenamina twapongolwelwa muli cilye citetekelo ca buntunse ico mwakwata, Iyena pali ici, ubusokololo wa bumupashi, “Nkakula Ulukuta Lwandi kabili ne mpongolo sha kumbo teti shilwanshe.” Mwamona? Cilya cilangisha ukutula bakasusha lwena, lelo talwakatale ukucimfya. Owe, ifyo caba icintu ca bukata. [6]

Cena nacimbi cisosa ukutula takuli umuntu uwingeta Yesu ukuba Kristu kanofye ku busokololo ubwa Mupashi wa Mushilo uyo wasokolola cena kuli wene (1 Abena Korinti 12:3). Mwamona? Kabili mwacimone co, ukubwelela fye kunuma nakabili, cilabwekela fye ku busokololo. **Cena cilingile ukusokololwa.**

Ilyo Yesu bamwipwishe umu muli Mateo 16:17 na 18...Ena atile, “Abantu batila nine ani, Umwana wa muntu, naba?” Umo wa bena atile, “Nimwe Mose, Eliya, atemwa umuntu umbi.”

Ena atile, “Lelo imwe mutila Nine Ani?”

Ena atile, “Nimwe Kristu, Umwana wakwa Lesa uwa mweo.”

Ena atile, “**Walishuka, Simone, mwana Yona, pantu umubili no mulopa tafisokolwele ici kuli iwe; Tata uuli mu mulu nasokolwela ici kuli iwe. Na pali ici cilibwe...**” **Ubusokololo ubwa bumupashi ifyo Lesa aba, ifyo Yesu aba, kabili Ena e busokololo bwakwa Lesa, Lesa**

ukulengwa umubili no kusokolwelwa kwi sonde. Ena ali mwisonde; Lesa ali muli Kristu ukubweseshisa isonde ku Mwine (*11 Abena Korinti 5:18-19*), ukusokolola ifyo Lesa ali mu mubili wa buntunse. “Nimwe Kristu, Uyo Uwasubwa, Umwana wakwa Lesa.”

Ena atile, “Umulopa no mubili tafisokolwele ici kuli iwe, lelo Taata uyo uuli ku mulu nasokolwela ici kuli iwe. Na pali ici icilibwe, nkakula ulukuta Lwandi (ukusokolola ukwa Cebo munshita ya cena.)

Ibuku Iya Kusokolola li Buku Iyakulekelesha Iya Baibele. Yena yalikalatikiwa ku bashacetekela. Mulya Baibele itila mu cipandwa ca 22, “Uyo onse ukafumya icebo cimo ukufumya kuli Cena atemwa ukulandako icebo cimo kuli Cena, Nkafumya cakaniko cakwe mwi Buku Iya Mweo.” Natwishiba ukutila cena conse capelwe ku bacetekela. Kabili cilesula Ibuku Iya Kusokolola kabili cisokolola Uyo uuli Umwine wa ili Buku ali (Ena alemoneka nga Alifa na Omega, ukufuma mu Kutendeka ukufika ku Busokololo, Yesu Kristu cimo cine fye ukutwalilila fye), **kabili alesokolola inkama Yakwe yonse iya Wene umwine na mapange Yakwe ku nshita Shakwe sha lukuta isho ishili no kwisa, kabili shakakatikwe mulya ku fikakatikilo cinelubali.**

Nomba, Ibuku Iyalilembelwe, lelo Lyena ibukisheni, Yena yakakatikwe ne fikakatikilo cinelubali. Kabili ishi nkama cinelubali tashali no kwisulwa. Ukusokolola 10, mpaka ukubilisha kwa kwa malaika uwakulekelesha pe sonde, Ukusokolola 10:17. Mwamona? “Kabili mu nshiku shakubilisha kwa Mbila yakwa malaika wa kulekelesha, malaika uwalenga cinelubali, inkama yakwa Lesa ikapwishiwa muli ilya nshita.” Kabili **ilya e nshita iyo tuleikalamo.**

Ifwe bonse twaliishiba tuleikala mu nshita ya Laodicea (*Ukusokolola 3:14-21*). Takwakatale ukubako

inshita naimbi kuli yena; cena teti cicitike. E ico tuleikala mu nshita ya Laodikea, kabili ifi fikakatikilo cine lubali ifyo ifyaikatilila lilye Buku caba ni nkama ku bantu, shilingile ukwisulwa muli bulya bushiku. Filya eflyo Ena alaile. Nomba, teti cibe kunse ka Cebo, pa mulandu teti ufumye ku Cebo atemwa ukulundako ku Cebo atemwa ukufumyako ku Cebo. Cena cilingile lyonse ukuba Icebo. **Lelo ubusokololo bwaba ukusokolola Icine ca Cena, ifyo Cena caba, ukulenga Cena cilingane nayashala Amalembo.** Kabili lyena Lesa alashininkisha cilya ukuba icine.

Mwamona, Lesa tafwaya kelula. Ena alailwila Umwine eka. Ena alailwila Umwine pa kulenga ukufikilishiwa ifintu ifyo Ena asosele ukutila fikacitika. Nga filya mu kutendeka Ena atile, “Napabe ulubuuto,” kabili kwali uluubuto (*Ukutendeka 1:3-5*). Cilya tacifwaikwa ubwilulo ubuli bonse. Cena cilishininkishiwe. [7]

Ibukisheni, Yesu alilandile ku bantu aba bufumacumi, bakapepa ba bushiku Bwakwe, kabili Ena atile, “Ukunshishimuna ba Nshishimuna kwafye” (*Marko 7:1-9*). Cishinka, ukushinshimuna ukwa cine cine ukufuma pe samba ya mitima yabo: **“Ukushinshimuna ba Nshishimuna kwa fye, amasambilisho basambilisha mafunde ya bantu,”** atemwa icisumino cabo ca cilonganino. Ababufuma cumi, no mucinshi, bakapepa fye ngefyo bengaba, kabili cilya tacali fye icipya na ba Fariseo. Kaini na Abele, bakapepa babili abo abafyelwe pano pe sonde, mucine baishile mu micitile imo ine.

Kaini ali fye kapepa nganshi ngefyo Abele ali. Bonse babili bakulile ifipailo. Bonse babili batemenwe Lesa. Bonse babili bapele ifyakuninika. Bonse babili balepepa. Bonse babili balipile icekumi. Bonse babibili

balicitile ifintu fyonse umusango umo wine. **Lelo Abele, ku citetekelo, ico icaba ubusokololo, Icebo cakwa Lesa ukusokololwa, ukuletwa palwalala, calilangishe, no kushininkishiwa...Ubukata!** Kaini apele icakuninika, lelo Lesa tashininkishe cena. Lesa alefwaya ukushinshimuna, Kabili Kaini apele icakuninika; lelo Lesa tashininkishe Cena. **Kano ku cakubombelamo ica cine...**

Mwatila, “Cisuma, ulukuta lwandi ni Lwena. Mwe...”

Loleleni fye pali miniti. Lesa alailwila Umwine Icebo Cakwe ku milembelwe ya Cena iyo Cena cilandilwamo. Mwamona? Kaini atile, “Ndi kapepa. Ine nalitemwa Kalenga wandi. Ndepela kuli Imwe ici cipailo icisuma. Ndepela kuli imwe ili lambo. Nalikula fyonse ifi fintu, Shikulu, pantu nali Mutemwa.” Abele asosele icintu cimo cine. Nomba, ni ulya uyo ushininkishiwa, uyo uwashininkishiwa. Kabili Lesa alikile no kupokelela icakuninika cakwa Abele, **pantu ku busokololo ali ikeshe icakubombelamo ica cine icakwa Lesa ico icapokelelwe.**

Nomba, moneni ulya Mupashi wakwa Kaini waishile mulya mwine ukupita mu Malembo, mpaka fye kuli buno bushiku bwa kulekelesha. **Uwa mafunde? Uwa mafunde fye ngefyo ulya umbi ali.**

Lolekesheni kasesema Balaamu na kasesema Mose. Bonse babili ne fipailo cinelubali (*Impendwa 23:27-30*), ifipailo fyakwa Yehoba, umulopa pali cila cimo; kabili te cilya fye ceka, lelo abana ba mpaanga pali cila cimo. Mu kupenda, filya fine impendwa iyalinga, cinelubali, “iyapwililika,” basusuku cine lubali, filya fine fye ukupalana: ifipailo fyonse fibili. **Uwa mafunde fye ngefyo umubiye ali, umubiye efyo ali nao.** Lelo nani uo Lesa ashininkishe? **Ulya uwali mu**

Cebo Cakwe. Ukuba uwa mafunde tacipilibula ifingi nganshi; caba ubusokololo ubwa kwa Lesa. [8]

Kaini atontonkenye Lesa aikele mu kuyemba ukwe sonde. Ena acitile cilya ku mulu. Ulubembu talwatendeke mwi bala Iya Edeni; lwena lwatendeke ku mulu ilyo Lucifer, umwana wa macaca, aisansabike umwine mu kuyemba kabili alefwaya Ubufumu bwayemba nganshi ukucila bulya uwa kwa Mikaele. **Kabili atontonkenye ukutla Lesa aikele mu kuyemba. (Esekiele 28:11-17)**

Kabili moneni Kaini. Ena talefwaya icakuninika ca mulopa. Ena aishile kulya no kupela icisabo ca mwibala ica kuyemba pa cipailo cakwe. Kapepa nganshi, acitile ifintu fyonse nga filya fine Abele acitile, apele icakuninika, awile panshi kuli Lesa mu kushinshimuna, **ukunakila umusango uuli onse, lelo ukwabula ukukwata ubusokololo uwa Cebo. Kabili Icebo cali ukufuma ku ntendekelo, amapange yakwa Lesa. Lelo Lesa asokolwele ku busokololo icintu cimo cine ico Ena ashininkishe no kusumininsha ukutla cilya cali lungama:** te bukapepa te cipailo, te kuba ku lukuta, tekupela icakuninika, **te kuba uwabufuma cumi, lelo ku busokololo ubwa Cebo cakwa Lesa,** Lesa ukusokolwela kuli wene ukutla ba nyina tabalile umwapele, lelo ali kwete ukukumana no muntu wakwa Satana mu musango wa ciswango, te cikulika, lelo icacenjela nganshi, icanjelesha mwi bala lyonse, icipasho ca muntu, icintu fye ceka umo imbuto ingasankanyamo. Nomba, science ileesha uku musanga wene. Kabili tabakatale musanga wene, pa mulandu ifupa ili li lyonse mu mubili wakwe lyalialulwa. Lelo Baibele ilelanda cena ukuba ifyo (*Ukutendeka 3:1-7*).

Moneni, imipashi ibili ilesushanya pa mulimo muli ino nshita iyabipa? Bushe mule cimona? Cila umo

kapepa nganshi, Kaini na Abele, imipashi nakabili ukwisa ku mitwe yabo, icili cimo cine ngefyo yatendeke: **umo ukupepa ukupitila mu kuyemba, kabili no kwishiba, na kumasambililo, na kuli science, na kuntambi; kabili ulya umbi ku citetekelo ca busokololo uwa Cebo cakwa Lesa.**

Lelo Nabwinga aba icilundwa ca kwa Shibwinga, u wacine kuli Wene mu fishinka fyonse, **ukulolela Ubwinga, ukwampana**, tacili nga kabungwe ka ecumenical, lelo mu lwelele, **umulalilo wa bwinga** (1 Abena Tesalonika 4:15-17). **Wene alipelwa no kusokolwelwa kuli Wene inkama Cinelubali Ishakakatikwa sha mu Baibele.** Wene alemona ubupumbu wakwa kabepa, ukupalama nganshi ku Cine icakutla kuti kwaba mupepi ukubepa Abasalwa (Mateo 24:24); Wene alemona cena. [9]

Lelo ku lukuta, **Nabwinga, ukusendwa busokololo kuli wene.** Kwena na kusokolwela kuli wene, ukutla ubusokololo, uwacine Nabwinga wakwa Kristu akulalolela pali bulya ubusokololo wa kusendwa.

Nomba, cena busokololo, pantu ubusokololo e citetekelo. Teti mukwate ubusokololo, ukwabula cena ukuba icitetekelo. Icitetekelo caba ubusokololo, pa mulandu cena cintu cimo ico icasokolwelwa kuli imwe. Icitetekelo caba ubusokololo. Icitetekelo caba icintu cimo ico icasokolwelwa kuli imwe ngefyo cali kuli Abraham, ico icengeta icili conse icapusana kuli cilya icasokolwela kuli wene kwati tacali ifyo (Abena Roma 4:16-22). Nomba, icitetekelo...Cilya eflyo icitetekelo caba, caba ubusokololo ubwa kwa Lesa. Ulukuta lwa kulwa pa busokololo, umubili fye onse. [7]

Nomba, kwaba ifintu fitatu ifyo abantu bekalamo. Icakubalilapo caba ubuntunse. Ica cibili caba ubusokololo bwa Bulesa. Kabili ica citatu caba icimonwa.

Nomba, ici, nga mwipepo, ilyo mwapepela uuli onse mu buntunse, ifwe tulasosa, “Cisuma, ndesubila muli no kuba umutuntulu. Mwamona, ndesubila. Ndecetekela pamo na imwe, ukwesha ukubomfya icitetekelo conse ico ninga cita.” **Bulya buntu.**

Ica cibili, caba ubusokololo bwa Bulesa, ilyo icintu cimo ca sokolwelwa kuli imwe. Imwe muleshiba fye mu mutima wenu ukutila cili no kucitika, lelo nomba tapali nangu cimo kano fye ubusokololo.

Kabili ica citatu caba icimonwa. Mucine cilya ni EFYO ASOSA SHIKULU. Cilya cili icapwililika kabili icituntulu.

[10]

Mwamona: Iyi apa inkama. Inkama yaba Lilembo – caba icine icafishile kale, **nomba ukusokololwa muli Bulesa**, lelo ico icaba icintu icakupapusha ico icishala, te mulandu ubusokololo. [11]

Inkama Yakwe yasokolwelwa fye kuli Nabwinga Wakwe uwatemwikwa. Ulya fye eka e wingacimona.

[12]

Nge fyo nacetekela cali ni Yesu Kristu uyo uwasosele kuli Pilato, icintu cimo, ishiwi naletontonkanya, kabili Ena acisosa fye inshita fye inono iyapitapo, “Nani uwakwebele cilya?” Atemwa, “Bushe cali sokolwelwe kuli imwe? Musangonshi mwaishibilemo ifi fintu?” Mu mashiwi yambi. Nshishibe fye ifyo ishiwi lili nomba; papita nshita itali ukutula ilyo nabelengele lyena, lelo, “Musangonshi mwa mweneko finshi... Musangonshi...” Nani uwa¹²sokolwele cena kuli imwe?” cali ni pali Wene

ukuba Umwana wakwa Lesa. “Nani uwasokolwele cena kuli imwe? Bushe umo muntu alimweba cilya? Atemwa,” ngefyo Yesu asosele, “Bushe ni Taata uli mu mulu uyo usokolwele cena kuli iwe?” **Musangonshi wasambilile cena, ica cibili atemwa busokololo ubwa pwililika ukufuma kuli Lesa?”** (*Yohane 18:28-40*).

Bushe uyu umulalilo caba fye icintu cimo ico njako, icipope, ukusosa, “Cisuma, abashala balasenda ici, naine wine ndi nokucita”? **Cena busokololo ukutila Ine ndi cilundwa ca Wene kabili ndi cilundwa ca imwe, kabili nali mutemwa imwe kabili nali Mutemwa Wene, kabili ifwe tulelya ici capamo nge cilangililo ca kutemwa kwesu kuli Lesa, kabili ukutemwa kwesu ne senge kuli umo no mubiye.** [13]

Takuli umuntu uwaishiba ifintu fyakwa Lesa kano fye Umupashi wakwa Lesa kabili nakuli **uyo Umupashi wakwa Lesa usokolola fyena** (*1 Abena Korinti 2:6-13*). **Ifwe tufwaikwa ukwita pali Lesa pa busokololo ukucila icintu icili conse icashala mwi sonde.** Ifwe twalisumina Baibele, ifwe twalisumina ifishinka ifikalamba palwa cena, lelo tacaba nalyo line icituntulu ku bantu abengi pa mulandu **ubusokololo ubwa Mupashi taulipo palya. Icebo tacilaletwa ku mweo.** [14]

Ifwe tatulingile ukupanga abapilibulwa ku Bwinakristu ku buteko, **lelo ku busokololo ubwakwa Kristu muli imwe ngefyo Lesa ali muli Kristu.** Ngefyo Lesa ali muli Kristu, Kristu muli imwe (*Abena Kolose 1:26-29*). **Ifyo Lesa acitile muli Kristu, Kristu alabomba muli imwe.** Filya fishibilo ifyo Lesa acitile muli Kristu, Kristu alacita muli imwe. Owe, bushe cilya tacawama? Yesu atile pali bulya bushiku (*Yohane 14:19-20*) – **ukutila buno bushiku – pali bulya bushiku, ilyo ubu busokololo bwalengwa ukwishibikwa, imwe**

mukeshiba ukutila ndi muli Taata, kabili Taata ali muli Ine, Ine muli imwe, kabili imwe muli Ine, ilyo ubusokololo bwalengwa ukumonekela. Pali bulya bushiku, mukeshiba ukutila ine na Taata tuli Umo. Ndi muli Taata, kabili Taata ali muli ine. Lyena ilyo ubusokololo bwaisa, lyena Nine muli imwe kabili imwe muli Ine. [12]

Umwakumona:

- [1] “Nalumfwa Nomba Ndemona” (65-1127E), par. 55-57
- [2] “Yehobah Yire Part 1” (64-0402), par.38
- [3] “Imilimo Citetekelo Ukulangishiwa” (65-1126), par. 105-107, 126, 128, 115-118, 186, 327
- [4] “Ifipasho Fya Kwa Kristu” (59-0525), par. 14
- [5] “Inshita Ya Lukuta Iwa Sumuna,” Church – Age- Book pg.156
- [6] “Amashina Ya Miponto” (62-1104M), pg. 19+22
- [7] “Ukusendwa” (64-1204), par. 69-77, 65
- [8] “Inceende Fye Yeka Iyapelwa Na Lesa Iya Kupepelamo” (65-1128M), par. 81-86
- [9] “Umulungu Uwaino Inshita Ibifi” (65-0801M), par. 80-81, 164
- [10] “Icipao” (55-0522), par. 6-9
- [11] “Bushe Ici E Cishibilo Ca Mpela, Mukwai?” (62-1230E), pg. 30-31
- [12] “Kristu E Nkama Ya Kwa Lesa Ukusokololwa” (63-0728), pg.71, 65
- [13] “Umulalilo” (65-1212), par. 63
- [14] “Ukusokololwa Kwakwa Yesu Kristu,” Church Age Book pg. 31

Ilya Bumupashi No. 150 ukufuma mu Cebo Ilibwe Ilya Kukulilako icasokololwa ica ino nshita lyatantikwa naba: Gerd Rodewald, Friedenstr. 69, D-75328 Schomberg, Germany. Nga mulefwaya utuma Buku natumbi lembeleni kuli ba Emmanuel Believers Fellowship P.O. Box 440185,

Isoka. Cell No. 0966402048/ 0974367607